

# Info

AVS  
USS  
USPS



Schulinspektorat  
Inspecturat da scola  
Ispettorato scolastico

## per persunas d'instrucziun, mainascoulas e cussagls da scoula

Nr. 1 2023/24

### Part generala

#### Cussagliaziun per mainascoulas

Sün giavüscha da bleras manadras e da bliers manaders da scoula organischescha l'inspectorat da scoula duos ulteriuras cussagliaziuns per mainascoulas. Quellas han lö ils 7 favrer 2024 a Tusan (d, r, it) ed ils 21 favrer 2024 a Landquart (d, r).

L'inspectorat da scoula preschainta a las/als mainascoulas duos ulteriuras dimensiuns dad INSULA. L'instrumentari per valütar l'instrucziun as drizza al Plan d'instrucziun 21 ed es gnü concepi da l'Università da Turich per incumbenza da la argev (*Arbeitsgemeinschaft externe Evaluation von Schulen*). L'inspectorat da scoula douvra l'instrumentari per V&PS 2021-26. Las/ils mainascoulas vegnan infuormats a temp ütil per e-mail davart quistas occurrenz.

#### Examen da recuors 2023

16 scolaras e scolars (ca. 1% da las scolaras e dals scolars da 6avla classa) han absolt l'examen da recuors la fin da l'on scolastic 2022/23. Ad ün scolar esa reuschi l'examen. In quist'ocasiun ingrazcha l'inspectorat da scoula a tuot las persunas involucadas i'l proceder d'admissiun. Grazcha a lur buna valütaziun cumplexsiva ed a lur fiduzcha pro genituors ed uffants registraina daspö ons constantamaing be pacas annunzchas per l'examen da recuors.

#### Gruppa accumpagnanta 'Talian' primar

La gruppa accumpagnanta 'Talian' ha surelavrà in sia ultima sezzüda la verificaziun pels mezs d'instrucziun 'Grandi amici'. Ils adattamaints sun segnats cun culur cotschna.

[Verificaziun 'Talian' primara](#)



#### Di europeic da las linguas

Minch'on d'utuon ha lö il 'Di europeic da las linguas'. Il di spordscha üna bun'ocasiun per s'occupar dal tema 'Linguas e culturas' illas classas da scoula. Il 'Di europeic da las linguas' es gnü inizià dal Cussagl da l'Europa dal 2001, l'on da las linguas. Daspö là es quist di fich popular in scoulas ed instituziuns da bliers pajais. Sco böt principal vuol il di intunar l'importanza da la varietà linguistica e promover l'imprender linguas a vita d'üranta. Pel 'Di europeic da las linguas' da quist on, chi ha lö ils 26 settember 2023, es gnüda creada üna gronda schelta da materialias d'instrucziun novas. I vala la paina da consultar la pagina d'internet. (Displaschaivelmaing nu vain resguardada la lingua rumantscha sülla pagina d'internet principala).

[Broschüra ed ideas per l'instrucziun](#)



[Di europeic da las linguas](#)



#### Swissdidac & Worlddidac Berna

La Swissdidac Berna es ün inscunter important da la fuormaziun svizra e vala sco lö d'inscunter principal per persunas specialisadas. Il listess mumaint ha lö dals 21 fin 23 november 2023 eir la Worlddidac sco part da la Swissdidac, quai süil areal da la BERNEXPO. La Swissdidac & Worlddidac Berna collia la fuormaziun svizra e tratta ils temas importants ed actuals dal muond da fuormaziun in Svizra. L'occurrenza cumbina sportas attractivas per la fuormaziun supplementara cun üna messa per persunas d'instrucziun e persunas respunsablas per la scoula.

[Ulteriuras infuormaziuns](#)



## Agüds per la tscherna da mansters

L'Uniun svizra dals mansters sgv elavura daspö ons profils cun pretaisas per üna pruna mansters. Quai succeda in collavuraziun cun experts da la pratcha professiunala e las scoulas professiunalas specialisadas. Ils profils sun accessibels digitalmaing. Il tool infuormescha a gliedud giuvna co cha las competenzas impraisas a scoula pon gnir applichadas i'l manster. Uschè sustegna il tool a giuvnas e giuvens da chat tar ün manster adattà. Sper las pretaisas i'ls roms da scoula matematica, scienzas natüralas, linguas da scoula e linguas estras, cuntegnan ils profils eir descripciuns dal minchadi illa vita professiunala. La pagina d'internet es trilinguala e vain cuntinuadamaing actualisada e sviluppada. Nouv vegnan ils profils cumplettats culla descripciun da pretaisas corporalas, p.ex. abiltats motoricas, e da pretaisas personalas.

[Perscrutar mansters, congular pretaisas](#)



## Concepir üna revista da scoula digitala

Nau.ch metta a disposiziun üna plattafuorma digitala per gazetetas da scoula. In collavuraziun culla scoula da Splügia in Valrain es gnü lantschà quist proget da pilot. Lavurond vi da la revista da scoula digitala pon scolaras e scolaras realisar impissamaints, opiniuns, experienzias e savair da maniera interdisciplinara, e quai i'l rom d'ün proget online interessant chi cumpiglia tuot la Svizra.

[Concepir üna revista da scoula digitala](#)



## 50 ons ilz (1973 - 2023)

La Centrala interchantunala da mezs d'instrucziun ilz es il center da competenzas per mezs d'instrucziun dals chantuns da la Svizra tudais-cha. Ella tils sustegna cun üna sporta da mezs d'instrucziun d'ota qualità e spordscha servezzans per la coordinaziun da mezs d'instrucziun. Cun üna publicaziun da giubileum vain festagiada, documentada ed onurada la coordinaziun da mezs d'instrucziun illa Svizra tudais-cha ed i'l Principadi da Liechtenstein. Intervistas cun exponts marcants da la ilz dan invistas interessantas i'ls ons da fundaziun, i'l cuors da l'istorgia ed illas lezchas actualas e futuras.

[Publicaziun da giubileum ilz](#)



## Di da l'avegnir

Gnir a cugnuoscher mansters atipics per l'agen gener: Quai es il böt dal di da l'avegnir. Ils 9 november 2023 esa darcheu uschè inavant! Sper il program da basa, ingio cha scolaras e scolaras da 5 fin 7avla classa accompagnan ad üna persona in sia piazza da lavur, spordschan numerusas firmas ed organisaziuns uschedit progets specials. Mattas vegnan per exaimpel a cugnuoscher il muond tecnic o mats passaintan ün di i'l sector da la chüra e sandà. A partir dals 29 avuost 2023 pon scolaras e scolaras s'annunzchar per ün proget special. Ün'annunzcha per temp vain racumandada causa las plazzas limitadas. Il di da l'avegnir po manar ad invistas interessantas e pussibiltar da müdar vista eir d'ürant l'instrucziun regulara.

Links davart materialias d'instrucziun e tschegns per la concepziun dal di da l'avegnir in scoula as chatta sülla pagina d'internet dal post da stab per l'egualità da las schanzas per duonnas ed homens.

[Annunzcha per sportas specialas](#)



[Infuormaziuns e tschegns pel di da l'avegnir](#)



Cordials salüds

*Chantal Marti-Müller  
Manadra USS*

*Andrea Caviezel  
Manader inspectorat da scoula*

## Part regionala

### Bainvgnü

Ils 14 avuost 2023 han cumanzà in nos district Engiadina-Val Müstair-Samignun var 200 scolarets la prüma classa. Per quists uffants e lur genituors es quai ün evenimaint important ed emoziunal. In occasiun da l'occurrenza da partenza IPPI vaina pudü bivgnantar a 22 magistras e magisters novs. Nus giavüschain a tuot las scolaras e scolaras, a las personas d'instrucziun cun lur mainascoulas ed als cussagls da scoula ün bun on da scoula.

### Termins

Data	Occurrenza	Adressats
13-11-2023	Occurrenza d'infuormaziun	CS
14-11-2023	Occurrenza d'infuormaziun	CS
29-11-2023	Accent tematic 'Musica'	Tuot ils ciclus
26-01-2024	Assegnaziun provisorica	6. cl./1.R
26-01-2024	Attestat da semester	Tuots
15-04-2024	Assegnaziun definitiva	6. cl./1.R
28+29-05-2024	Examen da recuors	6. cl./1.R
05-06-2024	Barat regional in connex cull'EVA dal rom IND	PI 3. sec I

Cordials salüds

*Inspectorat districtual Engiadina-Val Müstair-Samignun  
Bettina Salutt, Urs Kühne, Curdin Lansel*

